



Sarajevo, 06.09.2013.
Br. protokola: 243/13

POZIV ZA JAVNU DEBATU

**„Debata i kultura dijaloga u BiH – Petnaest godina poslije – iluzija ili realan izbor BiH na putu u EU“
*Oснаžimo kritičko mišljenje i toleranciju, ojačajmo instituciju otvorene debate, promovirajmo vrhunske vrijednosti debate za bolje sutra mladih u BiH***

Počinioci i žrtve krivičnih djela su naša djeca – Spriječimo maloljetničko prestupništvo

Put BiH ka Evropi u mnogome zavisi od mogućnosti bh. društva da se izbori sa aktualnim problemima. BiH je zemlja sa mnogo problema, ali i sa mnogo inicijativa za rješenje. Jedan od najaktualnijih problema, koji pogađa cjelokupno društvo, jeste maloljetničko prestupništvo, koje je od 2011. postalo i veći problem jer više i još uvijek ne postoji državna Strategija za borbu protiv maloljetničkog prestupništva. Mediji gotovo svakodnevno izvještavaju o krivičnim djelima koje počinu maloljetni prestupnici, koji su nerijetko povratnici u činjenju krivičnih djela.

Na održanoj Desetoj javnoj debati, ostvarena je dobra suradnja sa svim prisutnim predstavnicima vladinih institucija, ali i sa nevladinim organizacijama i medijima. Svi navedeni sektori su pokazali zainteresiranost za zajedničko kreiranje rješenja maloljetničkog prestupništva i spremnost da zajedno sa CKD-om nastave javno, pred očima građana, zagovarati za rješenje maloljetničkog prestupništva.

Dana 13.09.2013. (petak), Centar za kulturu dijaloga (CKD), organizira javnu debatu „Debata i kultura dijaloga u BiH – Petnaest godina poslije – iluzija ili realan izbor BiH na putu u EU: Počinioci i žrtve krivičnih djela su naša djeca – Spriječimo maloljetničko prestupništvo“ od 12.00 do 15.00 sati. Ciljevi javne debate su praćenje i analiza realizacije obećanih aktivnosti i planova za pronalaženje rješenja problema maloljetničkog prestupništva kroz interdisciplinarni pristup. Javna debata će biti organizirana u UNITIC Centru u Sarajevu.

Cilj javne debate jeste **prezentirati građanima dostupne informacije** o maloljetničkom prestupništvu i omogućiti nesmetano postavljanje pitanja o temi predstavnicima relevantnih institucija ali i od njih prema NVO sektoru i građanima. Drugi cilj je senzibilizirati građane, posebno mlade ljude za rješavanje problema maloljetničkog prestupništva i povećanje nivoa svijesti na državnom nivou o zaštiti prava maloljetnika u sukobu sa zakonom. Ovi ciljevi su u direktnoj vezi sa „Izjavom o međusobnom kontinuiranom izvještavanju sa ciljem uspostavljanja transparentnosti rada svih angažiranih sektora i otvorenog dijaloga među njima u rješavanju problema maloljetničkog prestupništva“ usvojenom na debati od 28.05.2010. Najvažniji aspekt ove debate je suradnja vladinog i nevladinog sektora i razmjena informacija i iskustava.

Javna debata se provodi u pod tradicionalnim motom "Počinioci i žrtve krivičnih djela su naša djeca – Spriječimo maloljetničko prestupništvo" koji finansijski podržava Općina Centar. Značaj ove podrške je veliki jer govori da vladine institucije prepoznaju ovaj problem kao akutan. Poseban akcent bit će na zajedničkim akcijama za naredni period ali i prezentiranju i analizi obećanih-realiziranih aktivnosti i planova.



CKD nastoji kroz argumentiran i uređen dijalog, uz pomoć izvještaja o radu odgovornih vladinih institucija, škola i NVO sektora, omogućiti analizu i praćenje do sada postignutog. Svi prispjeli izvještaji će biti prezentirani javnosti čime se pokazuje odgovornost institucija angažiranih u ovom problemu. Ujedno **zahvaljujemo u ime svih zbog kojih je zajednički započeto zalaganje za prevazilaženje ovog akutnog problema mladih u BiH svim institucijama i organizacijama koje su do sada surađivale sa CKD u javnom prezentiranju aktivnosti i doprinosili pomacima kroz aktivnosti na suzbijanju maloljetničkog prestupništva.**

Očekujemo, kao i do sada, punu podršku i prisustvo sljedećih organizacija i institucija: Pravosudni sektor (Nadležna ministarstva FBiH i RS – Ministarstvo pravde BiH, Ministarstvo pravde FBiH, Ministarstvo pravde RS); Pravosudni sektor (Sud i Tužilaštvo: općinski, kantonalni, FBiH, RS, Sud BiH); Sektor za socijalni rad (KS, FBiH, RS); Obrazovni sektor (KS, FBiH); Zavod Hum; Disciplinski centar za maloljetnike Kantona Sarajevo; KPZ Zenica; KPD Kula; KPZ Tuzla; Disciplinski centar Tuzla; MUP Kantona Sarajevo; FMUP; Predstavnici Ministarstvo za ljudska prava i izbjeglice BiH (u sklopu kojeg je djelovalo Koordinaciono tijelo za implementaciju strategije u BiH); Mediji; NVO sektor; Grad Sarajevo; Vlade KS (članovi Tima za implementaciju Akcionog plana za prevenciju maloljetničkog prestupništva i rad sa maloljetnicima u sukobu sa zakonom 2013. - 2015. i Ured za kvalitet); Udruženja Vijeća roditelja BiH i KS; Škole (Vijeća roditelja, Vijeća učenika, pedagozi, direktori); Vijeće ministara BiH.

Iskreno se nadamo da će sve pozvane nadležne institucije, kao i mnogo puta do sada, uvidjeti značaj zajedničkog rada na rješavanju problema, i da će vladin i nevladin sektor uz podršku bh. medija ponovo udružiti snage kako bi problem bio riješen. Cilj debate je razvoj demokratskih načela kroz aktivni angažman svih građana u izgradnji civilnog društva, a ne obezvređivanje jednih ili promociju drugih političkih opcija ili nevladinih organizacija. Učešćem na Debatu pokažimo da je bh. društvo građansko društvo, spremno na ulaganje napora kojima će problem prestupništva biti smanjen a BiH učinjena sigurnijom i boljom. Pokažimo da je bh. društvo zrelo za promjenu na bolje koju svi zaslužujemo i pokažimo da smo spremni zaštititi našu djecu i generacije koje dolaze jer počinitelji i žrtve krivičnih djela su naša djeca – spriječimo maloljetničko prestupništvo.

Srdačno vas pozdravljam sa željom da se uskoro susretnemo na Jedanaestoj javnoj debati i zajedničkim naporima učinimo BiH zemljom sigurnom za život.

Centar za kulturu dijaloga



„POČINIOCI I ŽRTVE KRIVIČNIH DJELA SU NAŠA DJECA -
SPRIJEČIMO MALOLJETNIČKO PRESTUPNIŠTVO“

